

## 7. AÐALFUNDUR FÉLAGS FRAMHALDSSKÓLAKENNARA 26. - 27. apríl 2018

---

### STEFNA FÉLAGS FRAMHALDSSKÓLAKENNARA Í KJARAMÁLUM OG KJARASAMNINGM 2018-2022

---

#### 1. LAUN OG LAUNAÞRÓUN

- Laun í framhaldsskólum standist samanburð við laun annarra sérfræðinga með sambærilega menntun og ábyrgð í störfum.
- Launaþróun í framhaldsskólum sé í kjarasamningi tengd við launaþróun annarra sérfræðinga með sambærilega menntun og ábyrgð í störfum.
- Tryggðir verði möguleikar á launahækkun í starfi.
- Að unnið verði að launajöfnun milli markaða og laun opinberra starfsmanna verði sambærileg launum sérfræðinga með sambærilega menntun á almennum markaði. Tekið verði tillit til breytinga á lífeyrisréttindum.

#### 2. MENNTUN OG STARFSÞRÓUN

- Grunnmat á menntun og lokaprófum félagsmanna verði tryggt óháð skólum þannig að sömu próf gefi að lágmarki sömu röðun til launa.
- Tryggt sé að starfsreynsla úr atvinnulífinu og kennsla á öðrum skólastigum sé metin til launa.
- Auknir fjármunir komi til starfsþróunar og bætt skilyrði til að stunda starfsþróun.
- Réttur til launaðra námsorlofa verði færður inn í miðlægan kjarasamning.
- Að kennarar hafi áfram fullt forræði yfir kjarasamningsbundnum endurmenntunartíma.

#### 3. STARFSKJÖR OG STARFSSKILYRÐI

- Viðmið um fjárveitingar til framhaldsskóla hafi raunhæfa tengingu við launakostnað.
- Að nýtt reiknilíkan framhaldsskólanna taki fullt tillit til ákvæða vinnumats um nemendatalningu í upphafi hverrar annar.
- Að 300 nemendur verði að hámarki á hvert 100% stöðugildi náms- og starfsráðgjafa.
- Að vinnutími náms- og starfsráðgjafa sé ekki slitinn úr samhengi við starfstíma nemenda og þeim gefið svigrúm innan vinnutímaramma að þjónusta nemendur utan dagvinnumarka með sveigjanlegum vinnutíma.
- Leiðsögn kennara, náms- og starfsráðgjafa vegna starfsþjálfunar nemenda háskólastofnana í framhaldsskólum verði launuð skv. kjarasamningi.

## 7. AÐALFUNDUR FÉLAGS FRAMHALDSSKÓLAKENNARA

26. - 27. apríl 2018

- Að kennsla í fjar- og dreifnámi verði vinnumetin með sama hætti og önnur kennsla og þar verði tekið tillit til vinnu utan kennslustunda. Að tryggja að gæði fjar- og dreifnáms séu í samræmi við annað nám.
- Að sérstaklega verði tekið tillit til sérstöðu kennslu nemenda á starfsbrautum.
- Framhaldsskólum verði tryggt fé til að greiða fyrir forfallakennslu svo sem vegna veikinda og þátttöku félagsmanna í starfsþróun á starfstíma skóla og vegna afleysinga. Réttur nemenda til fullrar kennslu verði tryggður.
- Standa skal vörð um réttindi kennara til sveigjanlegs vinnutíma.
- Vinnuaðstaða félagsmanna uppfylli þær kröfur sem starfið gerir á hverjum tíma.
- Að tryggt sé að kennari beri ekki fjárhagslega ábyrgð á tjóni sem nemandi verður mögulega fyrir í kennslu.
- Að áfram verði óbreyttur kennsluafsláttur eldri kennara við 55 ára aldur og 60 ára aldur.
- Að samningsbundin ákvæði um ferðir með nemendum verði endurskilgreind og þar gerður greinamunur á ábyrgð kennara eftir því hvort um lögráða eða ólögráða nemendum er að ræða.
- Að fjármagn verði tryggt til framhaldsskóla vegna námsefnisgerðar kennara ef ekki liggur fyrir námsefni í kennslugrein.

## 4. SAMNINGAGERÐ Á VINNUSTÖÐUM

- Skólastjórnendur tryggi fulltrúum kennara aðgang að upplýsingum um fjármál og rekstur skóla.
- Aukinn verði stuðningur við samningastarf í framhaldsskólum til að tryggja fagleg vinnubrögð, jafnræði og gagnsæi í gerð og framkvæmd samninga til að koma í veg fyrir mismunun í störfum og kjörum.
- Aukinn verði stuðningur við fulltrúa kennara sem koma að starfsmannamálum í framhaldsskólum og sinna starfsumhverfismálum.
- Trúnaðar- og öryggistrúnaðarmönnum verði tryggð aðstaða og umbun fyrir störf sín og tekið verði tillit til þess tíma sem þeir verja til hlutverksins og þeim gefið nægilegt rými í vinnutímaramma til að sinna starfsskyldum sínum.

## 5. EINKASKÓLAR Á FRAMHALDSSKÓLASTIGI

- Gerðir verði kjarasamningar við skóla- og fræðslustofnanir sem bjóða upp á nám á framhaldsskólastigi og starfa með þjónustusamningi við mennta- og menningarmálaráðuneytið. Gerðar verði sömu kröfur til menntunar og réttinda kennara, þar sem um einingabært nám er að ræða, eins og í ríkisreknum skólum.